

自守者不自守者俱相類相聚相應相可自  
 守者自守者俱相類相聚相應相可佛說比  
 丘如是慧人當分別是因緣可行者行之不  
 可行者莫行佛說如是比丘受行著意  
 佛說相應相可經  
 難提釋經

西晉惠帝代法炬法立譯

聞如是一時佛行在俱舍梨國樹名尼拘類  
 是尔多聚會比丘在迦梨講堂樹間會座為  
 佛作衣今佛不久夏竟夏已盡佛自說三月  
 已竟作衣已當到多人處彼難提釋聞多聚  
 會比丘在迦梨講堂樹間會坐為佛作衣今  
 佛不久夏竟夏已盡佛自說三月已竟作衣  
 已當到多人處難提釋已聞如是便到佛所  
 已到為佛足礼便坐一處已坐難提釋白佛  
 言如是我聞多聚會比丘在迦梨講堂樹間  
 會坐為佛作衣今佛不久夏竟夏已盡佛自  
 說三月已竟作衣已當到多人處我聞是即

愁憂所食不覺味諸方不分別所聞善法不  
 復念所作世間業不復著所以者何甚久乃  
 復得見佛并慧清淨行比丘難提釋言已竟  
 佛便報難提釋難提若見我身若不見我身  
 若見清淨行比丘若不見清淨行比丘常當  
 行內五法何等五一者意常當有信捨不信  
 意二者常當清淨行捨不清淨行三者常當  
 樂布施捨慳貪四者常當有慧捨癡五者常  
 當多聞莫樂不聞難提是為內五事已當復  
 有六念何等六一念佛二念法三念比丘僧  
 四念戒五念施與六念天難提若慧弟子念  
 佛諸德佛為有是為如來為無所著為一切  
 覺為神行足為已快為有無量為無有上為  
 男子師為法御者為天人師為覺有是若天  
 若人若魔若梵若沙門若婆羅門為自慧證  
 身生處已盡為已著清淨行所為當自識但  
 有是身從後不受難提是時慧弟子意不着  
 貪欲不着嗔恚不着愚癡便為直意慧弟子

意已直已直意便得義便得法便見法便大  
樂喜已喜便生樂從樂便身滅身已滅便得  
安隱已得安隱便得定從定便如知如見是  
為苦諦是為習是為盡是為苦滅向道者諦  
難提若慧弟子在邪中為直念有恨意便為  
捨意有所著便不受是為慧弟子樂道迹為

常念佛德難提若慧弟子念法德佛所說大  
為安隱為可見為無時可想授可得持慧者  
鑽可得出可飽可依從法得離所處難提是  
時慧弟子意不着貪欲不着瞋恚不着愚癡  
便為直念慧弟子意已直已直意便得義便  
得法便見法便大樂喜已喜便生樂從樂便

身滅身已滅便得安隱意從安隱便得定從  
定便如知如見是為苦諦是為習是為盡是  
為苦滅向道者諦難提若慧弟子在邪中為  
直念有恨意便為捨意有所著便不受是為  
慧弟子樂道迹為常念法德難提若慧弟子  
念比丘聚德佛眾弟子為有清淨為有定為

思八

五

有脫為有脫見慧為有行為有所得為是世  
間福田少施得福無有量若眾中有須陀洹  
為信有須陀洹若眾有斯陀含為信有斯陀  
含若眾有阿那含為信有阿那含若眾有阿  
羅漢為信有阿羅漢是為男子四雙賢者八  
輩人中第一人之剛為人師為人中應受

恭敬者是為三界中最人難提是時慧弟子  
意不着貪欲不着瞋恚不着愚癡便為直意  
慧弟子意已直已直意便得義便得法便見  
法便大樂喜已喜便生樂從樂便身滅身已  
滅便得安隱意從安隱便得定從定便如知  
如見是為苦諦是為習是為盡是為苦滅向  
道者諦難提若慧弟子在邪中為直念有恨  
意便為捨意有所著便不受是為慧弟子樂  
道迹為常念比丘聚德難提若慧弟子自念  
戒德佛所施戒不可犯不可輕不可毀不可  
弄不可試慧者從戒得定從定便離愛意不  
著世間譬如石破終不復合難提是時慧弟

子意不着貪欲不着瞋恚不着愚癡便為直  
 意慧弟子意已直已直意便得義便得法便  
 見法便大樂喜已喜便生樂從樂便身滅身  
 已滅便得安隱意從安隱便得定從定便如  
 知如見是為苦諦是為習是為盡是為苦滅  
 向道者諦難提若慧弟子在邪中為直念有  
 恨意便為捨意有所着便不受是為慧弟子  
 樂道迹為常念戒德難提若慧弟子自念施  
 與之德快哉我已得作人於慳貪之中能自  
 拔無有嫉之意為常樂與為信所與後必當  
 得少施所得無量從施得無為難提是時慧  
 弟子意不着貪欲不着瞋恚不着愚癡便為  
 直意慧弟子意已直已直意便得義便得法  
 便見法便大樂喜已喜便生樂從樂便身滅  
 身已滅便得安隱意從安隱便得定從定便  
 如知如見是為苦諦是為習是為盡是為苦  
 滅向道者諦難提若慧弟子在邪中為直念  
 有恨意便為捨意有所着便不受是為慧弟

思八

六

子樂道迹為常念施與之德難提若慧弟子  
 念諸天德第一照頭摩賴第二忉利第三豔  
 第四兜術第五泥慢羅提第六般泥迷陀和  
 舍和提若從信若從清淨若從聞若從施若  
 從慧各有行得上是六天我六能行五法若  
 信戒聞施慧從是因緣得生天上難提是時  
 慧弟子意不着貪欲不着瞋恚不着愚癡便  
 為直意慧弟子意已直已直意便得義便得  
 法便見法便大樂喜已喜便生樂從樂便身  
 滅身已滅便得安隱意從安隱便得定從定  
 便如知如見是為苦諦是為習是為盡是為  
 苦滅向道者諦難提若慧弟子在邪中為直  
 念有恨意便為捨意有所着便不受是為慧  
 弟子樂道迹為常念諸天德佛說如是難提  
 釋大歡喜受着意常行是六念起坐持頭面  
 着佛足礼

難提釋經竟

思八

當寺皆清海書

馬有三相經不出字  
相應相可經不出字  
難提釋經 不出字

馬有八態經

羈韁

魚結

踰

車輪

掣

軛

摩抄

跳踉

抵

斃

餒

下紆

遠

噲

噉

顛頭

上

普

思

七末